





808. 8209

91

DISSERTATIO INAUGURALIS
OBSERVATIONES QVASDAM IVRIS
GERMANICI ET SAXONICI

CONTINENS

1791

7

Q V A M

PRO SUMMIS IN VTROQUE IVRE HONORIBVS

CA P E S S E N D I S

D. XI. APRIL. A. R. S. MDCCLXXXI

H. L. Q. S.

SERENISSIMI PRINCIPIS ELECTORIS SAXONIAE GRATIA

SINE PRAESIDE

DEFENDET

A V C T O R

ERNESTVS GOTTLIEB MEINHOF

K E M B E R G A - S A X O

IVRIS VTRIVSQVE CANDIDATVS, ET ARCHIVI SENATVS SANCTIORIS,


QVI REBVS SERENISSIMI PRINCIPIS ELECTORIS SAXONIAE

FISCALIBVS PRAEEST, SECRETARIVS.

VITEMBERGAE

LITTERIS CAROLI CHRISTIANI DÜRRII.





OBSERVATIO I.

*Poenarum quarundam singularium, in legibus et statutis
Germaniae obuiarum, spicilegium.*



§. I.

In quibusdam Germanorum poenis singularibus, quas antiquae leges atque statuta patria continent, enarrandis, ea, quae viri doctissimi, iurisque Germanici studio dediti, singulis libellis exposuere, minime repetam, sed paucas tantum poenarum species, ab iis vel plane praetermissas, vel leuiter tactas in medium proferam, spe ductus gratissima, fore, vt eruditi homines haec mea qualiacunque ad cognitionem antiquorum morum promouendam symbola beneuole accipiant, de iisque aequum ferant iudicium. In

A

co



eo autem argumento pertractando ita versabor, ut a nonnullis mulctarum speciebus, leuioribusque poenis ordiar, et deinde ad grauiores criminum coercitiones progrediar. Inter illas vero primo loco collocanda esse videtur *poena cereuisiae vini*que, genio maiorum nostrorum apprime conueniens. Nimirum Germani, uti Tacitus testis est locupletissimus, ^{a)} humorem illum ex hordeo atque frumento mirum in modum amantes, et de reconciliandis inuicem inimicis et iungendis affinitatibus et adfiscendis principibus, de pace denique ac bello, plerumque in conuiuio consultabant, atque etiam ad ebrietatem proueniendi noctemque cotinuare potando nulli ebrium existimabant. Eodem modo, testantibus veterum rerum gestarum monumentis, ^{b)} maiores nostri fidem inter pocula in negotiis tam publicis quam priuatis firmabant, principes heredes nouum imperium iis auspicabantur, in honorem virorum fortissimorum pro patria mortuorum posterum magna zytho repleta cornua exhauriebant, mulieres amores fideique mutuae memoriam et sanctitatem, porrecto degustatoque poculo, testabantur, fortesque viri epulas lautas cum Odino post mortem celebrandas, in iisque pocula optima cereuisia plena somniabant. ^{c)} Quid itaque mirum, si non solum in antiquissimis diplomatibus cereuisiam vinumque inter annuas praestationes deprehendamus, ^{d)} sed etiam certam huius potus quantitatem, loco mulctae, dandam

a) de moribus German. c. 22. 23.

b) de moribus septentrionalium populorum firmandi fidem per pocula, vid. de *Westphalen in praef. ad Tom. IV. monum. ined. Cimbr. pag. 4 sequ.*

c) vid. *Dreyeri Sammlung vermischter Abhandlungen u. s. w. Tom. III. p. 1393.*

d) de Bedis vini, mellis, et cereuisiae vid. de *Westphalen in praef. cit.*

pag. 95. not. 1. Sic quoque in charta anni 706. apud *Hergott. in Geneal. Habsb. Tom. I. pag. 9.* occurrit census XXX. siclarum de *circuisa*, et apud eundem pag. 12. in charta anni 739. census vini. In seruitiis ciuitati Winzenburch ab imperatore impostis iouenimus inter alia vnam vnam medonis, dimidiam vini quinque cereuisiae. vid. *Falckenstein in cod. dipl. Nordgau. pag. 22. sequ.* Praeterea cereuisiam colle-

dam inueniamus? Cuius rei exemplorum in antiquis statutis tanta est frequentia, vt agro in hoc fertili, arctis circumscripti limitibus, quasdam tantum spicas decerpere possimus. Sic apud *Dithmarfos* dici dominicae violatae poena erat cereuisia. ^{e)} Apud eosdem in antiqua formula foederis iniuriae reales, ^{f)} vti secundum statuta *Orlamundensia* 1381. condita, ^{g)} rixae in curia,

A 2

collegia opificum pro recipiendo nouo collegii membro exigebant. vid. der Innungsbrief der Kürschner zu Quedlinburg anni 1478. apud *Erath.* in cod. diplom. Quedlinburg. pag. 821. Nec non ea pro sportulis iudicialibus interdum danda erat, vti Statuta *Ottendorpensia* art. 1. docent. Verba haec sunt: *Eth fall de Kleger up ydaren Rechtdag dem Gericht veer Schillinge geuenn, und we de Sake gewinth eine Thune Hamborger Beer.* vid. *Puffendorffii* Obseru. Tom. II. in app. pag. 163. Sic quoque secundum statuta ciuit. *Nienborgh.* *ibid.* Tom. II. stuprata, quae peperit, a supratore inter alias res certum cereuisiae modulum, (eine halve Tome Bierß thon Abdracht,) dotis s. satisfactionis loco accipit.

^{e)} vid. Constitut. de anno 1537. sub tit. von Bestrafung offenbahrer Sünder. So dann ock mit dem ganzen Lande angenahmen, den Sündag, und alle Festtage in der hilligen Schrift bewehret, na Rohde unserer Superintendenten to hilligende, to syrende, Gades Wort to hörende, den ganzen Dag Gade to lauen, und to priesen: dar jemand dat verachtete, fall ene Tunne ingebrauen Beers an dat Birschop, dar se wohnt, verbraken heb-

ben, und ene Tunne Beers an de Schllüters. Quae constitutio anno 1540. confirmata, et iisdem fere verbis repetita est. vid. *Ant. Viethii Geschichte des alten Landes Dithmarschen* P. III. c. 4. von dem alten Landrechte pag. 167. et 173.

^{f)} vid. *Vieth.* l. c. pag. 164.

^{g)} art. 17. Item: ouch ist unser Stadtgewonhit und Fryhit, welch Birscher eyu Hadir adir Vrlaub macht in deme Ratishuse xcu deme Voitsdinge welchis jars das were, der fall das Fafs weidder fullen, das man xcu dem Voitsdinge des jars trinket, efs si Win adir Bier, xcu Busse. vid. *Celeberr. Walchii* Beyträge zum Deutschen Rechte, Tom. II. pag. 77. Similis constitutio quoque occurrit apud *Kreyßigium* in den Beiträgen zur Saechs. Historie, Tom. IV. N. 14. pag. 425. in diplomate anni 1527. quod continet confirmationem societatis militaris (Schützenbrüdergelellschaft,) *Wichlensis*, „und so Imands in solcher vnser Gesellschaft einen Hader oder Aufruhr machen würde, der fall den Gesellen das Fas one aken Bchelf wiederumb mit Blüer wöllten.



curia, aduocato ius dicente, motae, nec non leuiiores iniuriae, verbaque contumeliosa secundum constitutionem *Hadelensium*^{h)} cereuiciae poena coercebantur. Sic statuta *Weissenbergica* in Lusatia superiori iuris bannarii, quod ibi molendinis inhaeret, violationem,ⁱ⁾ statuta *Rugenwaldensia* pretii cereuiciae venalis a magistratu determinati excessum,^{k)} statuta *Francohusana* omissionem salicum plantationem, annui senatus officium neglectum,^{l)} et leges vndecim collegiorum opificum *Osnabrugenses* procerum in conuentibus absentiam^{m)} eadem poena vlciscebantur. Secundum statuta *Otterndorpenfia* singulis annis tria potissimum iudicia habenda sunt, quibus omnes eius iurisdictioni subiecti inter-

h) vid. apud *Puffend. l. c. Tom. I. pag. 50.* die Verordnung des Hadelerschen Landgerichts und Rechtsens etc. Part. III. tit. 7. von Injurien und Schmähsachen. Verba haec sunt: *Alle andere schlechte Injurien und Schmähsätze sollen mit einer Tunne Bier verbüset werden.* Eodem modo Part. I. tit. 3. contumaces puniuntur. *ibid. pag. 7.*

i) Extant haec statuta de anno 1623, apud *Kreyszigum l. c. Tom. V. N. 2. pag. 25.* En! ipsa verba artic. 37. *Es soll sich auch ein jeder Unterthaner oder Einwohner seiner Herrschaft Mühlen verhalten, und ausser denenselbigen in fremde Mühlen durchaus gar nichts führen, noch tragen, es erfordere dann die äufferste Noth. Do aber einer, er sey reich oder arm, mit dem wenigsten begriffen, oder befunden würde, und solches übertrette, oder vordreche, so soll derselbe der Herrschaft 10 Schock, und dann einem ehrbaren Rathe eine Thone Bier, dem Møller aber, darain der Verbrecher ge-*

hörig gewesen, doppelte Metze versallen seyn.

k) Liber statut. *Rugenwald.* anno 1645 conditorum extat in collectione *Excell. Schotti*, quae inscripta est: *Samlungen zu den Deutschen Land- und Stadtrechten Tom. II. pag. 99. Ibi §. 12. „Kein Brauer soll die Tonne Bier höher, als es von E. E. Rathe gesetzt, verkaufen, by Verlust einer Tonne Biers, so offt hierwider gehandelt wird.“*

l) vid. *Walch. l. c. Tom. I. pag. 208. ibi art. 20. „— ein Fuß Einbeckisch Bier — aus eignem Beutel zur Busse.“* Cf. *ibid. T. VII. p. 199.* Statuta oppidi *Greussen* d. a. 1556. art. 24.

m) *Ibid. Tom. VI. pag. 284.* extant die Gesetze der elf Aemter Freunde zu *Osnabrück.* Ibi tit. 2. §. 43 *wenn kein Gildemeister vom Amte bey dem Collegio der Freunde erscheinet, seyn die regierende Gildemeister auf ein Viertel Bier straffällig.*



interesse debent, absentesque, nisi legitima afferre possint impedimenta, multam cereuisariam praestare tenentur, *) et sub eadem poena ius *Hadelense* singulis partibus in causa peroranda vnicum patronum permittit. †) Alia contra ea ciuitatum Germaniae iura haud infelici, vt mihi videtur, commutatione vinum cereuisiae substituerunt. Cuius rei exempla obuia sunt in statutis *Lubecensibus*, ‡) *Susatensibus*, §) *Hamelensibus*, ¶) *Aquisgranensibus*, ††) aliisque quam plurimis. †††) Quid? ea poena a patriis, *Saxonis* scilicet legibus haud aliena est, dum secundum *Ordinat. Prouinc.* a diuis fratribus *Ernesto* et *Alberto* anno 1482. promulgatam, exercitium venationis intra clausum tempus certa vini

A 3

Rhenani

n) vid. *Puffend.* l. c. Tom. II. in app. pag. 163.

o) vid. *ibid.* Tom. I. in app. pag. 8.

p) vid. *Iur. Lubec.* cod. antiqu. apud *Westphalen* l. c. Tom. III. pag. 625. Ibi: *Qui alium baculauerit, vel ad baculandum aliquem baculos apportauerit, si hoc bonis hominibus consiterit et probari poterit, poena compositionis X. marc. argenti, et plaustratae vini reus erit.* † In versione vernacula pag. 648. plaustrata vini vocatur *ein Voder Wins*.

q) Iure antiquo *Susatensi* appellatio ad iudicium exterum vini poena coerebatur. Verba legis haec sunt: *Vortmer, so mey ein Ordell dat in dem Gerichte gewist is, vor ein ander Gericht, uit der Staat scheldet, de sall dem Rade wedden tein Marck, und ein Voder Wins.* vid. de *Westphalen* l. c. Tom. IV. pag. 3072.

r) In priuilegio ciuitatis *Hamelensis* anno 1335 accepto hic locus occurrit: *Si contentio vel discordia sit inter alii-*

quos *Burgenses* vel de percussione, vel capillatione, post emendam iudicii reus dabit consulis *Amam vini*, etc. vid. *Leibn. Script. rerum Brunsv.* p. 515. Conf. quoque *Puffendorf. obs. iur. in app.* Tom. II. pag. 267.

s) In priuilegio et statut. civ. *Aquisgran.* quae inueniuntur in *Ludolphi collectione quorundam statutorum prouincialium et urbium Germaniae* pag. 596. n. 37.

t) e. gr. in antiquo iure aulico, (*Gaards Ret eller Hofrecht*.) a *Frid. II.* rege *Daniae* 1562. dato occurrit *eine Tonne Dutsch Bier* loco poenae. vid. de *Westphal* l. c. Tom. IV. p. 1841. In *Statut. Rigens.* art. 142. apud *Puffend.* l. c. Tom. III. in app. pag. 268. in iure *Hamburg.* Sect. II. §. 2. apud *Westphal.* l. c. T. IV. pag. 3015. in iuribus antiquis *Tremoniensibus* vid. *Dreyeri Nebenstunden* p. 419. in priuilegio a *Landgrauio Henrico* 1294. ciuibus *Francobergicis* dato, apud *Kuchenbecherum in analektis Hassiacis Coll. V.* pag. 185. Qua in vrbe etiam, teste *Wigando Gerstenbergero in chronico,*



Rhenani quantitate, ei, qui legis violatorem deprehendit, danda, punitur.^{u)} Nec plane sublatum hunc puniendi modum atque obliteratum esse, credamus. In pagis, et quidem praecipue in pignoribus captis reluendis adhuc sancte observatur, certisque diebus incolae omnes, ne reo quidem, qui multam soluit, excluso, hoc potu gratissimo vel in caupona, vel in sculteri aedibus recreantur.

§. 2.

Veteres autem statutorum iuriumque conditores, in poenis emendisque determinandis, non vbiq̄ue de computationibus iucundis, sed de aliis quoque ad vsus publicos necessariis rebus comparandis cogitarunt, curaeque huic prouidae quarundam poenarum originem tribuere, haud dubitamus. Exempla sunt in promptu. Inter sacra facienda ingens candelarum e cera confectarum ardentium numerus olim conspiciebatur, societates religiosae, nec non opificum collegia cereis incensis conuentus suos splendidiores reddebant,^{x)} principibus vrbes sollempni-

ter

nico, vino iura ciuis acquirenda erant, — der musste denen Herren ein Frankisch Fuder Wein geben, so auf dem Stein bey Würzburg gewachsen war, dem Richter und Schult-heissen eine Ohm, jedem Schessen einen Eimer voll mit vier Reissen gebunden, dem Schreiber und Knechten jegleichen einen halben Eimer voll. vid. Kuchenb. l. c. pag. 158.

u) vid. Cod. August. T. I. p. 12. Verba, quae huc pertinent, haec sunt: der soll dem, der ihn darüber betritt,

oder des sonsten auf ihm beweiset, ein Laegel Rheinsfall zur Buß geben.

x) Hinc in statutis opificum mentio fit eorum, qui cereis praesunt, die den Kerzen vorstehen. vid. Kreyssigii Beyträge zur Saechsl. Gesch. Tom. II. pag. 148. et 150. Conf. de Westphalen l. c. Tom. IV. p. 3320. Huc quoque pertinet privilegium pellationum Quedlinburgensium collegio 1478. datum, cuius verba haec sunt: Auch sollen sie haben 4. Kerzen und ein Balleky in S. Benedictus Pfarr-Kirche, die si von Jahre zu Jahre bessern sollen, und

ter introeuntibus eos praeferebant, ²⁾ nullumque funus solenne sine iis ducebatur. ³⁾ Quam ob rem non solum monasteria ab hominibus propriis *ceram* loco census, ⁴⁾ et collegia opificum eam pro nouo socio recipiendo exigebant, ⁵⁾ sed varia etiam delicta in statutis antiquis certa *cerae* quantitate coercentur. Alia nempe statuta diuini cultus contemptum, clamorem atque confabulationes inter orationem sacram et inter sacra faciendam cuiusuis rei venditionem *vnus librae cerae* poena prosequuntur, ⁶⁾ alia eodem modo rixas et altercationes in sociorum

und damit allen Procession zu geborlichen Zeiten gleich andern Innungen gewertlich sein, und zu yren Begengnissen nutzen. vid. *Erath. l. c. p. 821.*

1) Quod, vt vnico hoc exemplo vtar, imperatore Sigismundo anno 1433. Argentoratum introeunte factum Koenigshoven in chronico Argentorat. C. II. pag. 145. his verbis memoriae prodidit: *den empfieng die Stadt von Strasburg herlich, und alle Ritter und Knecht mit ihren Frauen, darnach alle Handwerck hetten ihre Standkerzen und trugen ihnen vor und nach.*

2) Quid? eorum cereorum in funerali pompa adhibendorum pondus, ad coercendos nimios sumtus, nonnullis in statutis determinatum deprehendimus. Sic in statutis Francofurt. de anno 1356. dispositum; *Auch en sulden nyman keyne Kerzen uibir die Grabe tragen, der eine me wazses habe, denn zwey pfund wazses.* vid. *Senckenb. Selecta iur. et hist. P. I. p. 57.*

3) Hinc *cerocensuales* quoque pro hominibus propriis usurpantur. vid. *Puffend. Tom. II. pag. 35. in app.* Praeterea *cera* inter alias annuas praestations

in variis donationum diplomatis occurrit. Sic Thimo de Lisenik monasterio Bach anno 1291. ex agris Dreszowii et Glunii possessis *duas libras cerae* quotannis dare promisit. vid. *Kreyssig. l. c. Tom. II. pag. 68.*

4) vid. statuta *Fribergensia* apud *Schottium V. III. in den Samlungen zu den Deutschen Land- und Stadt-Rechten P. III. pag. 287. sequ. den Innungs-Brief der Becker zu Seyda im Erzgebürge* de anno 1443. apud *Kreyssig. l. c. Tom. II. pag. 148. sequ. Statuta Chemnitiana anni 1414.* apud *Riccium von Stadtgesetzen I. 15. §. 17. ibi: Wolte einer bey einem Handwerk Meister werden, so soll er zu den Kerzen desselben Handwerks 2 Pfund Wachs geben.* Statuta *des Raths der neuen Stadt Salzwedel für die Kramergilde* de anno 1428 apud *Gerken. in diplom. vet. March. Tom. I. pag. 364. Conf. quoque Erathii Cod. dipl. Quedlinburg. pag. 821.*

5) vid. *Bertuchii chron. Portense* pag. 95. nec non *Extract: aus den Land-*

ciorum conuentu vindicant, ^{d)} alia denique, ne quis sine legitimis impedimentis in funere ducendo, aliisque conuentibus absens sit, ^{e)} aut arcanas sociorum consultationes prodat, ^{f)} sub eadem poena vitanda cauent. Nec desunt aliarum mulctarum, ad quas determinandas legislatores eadem sane commouit ratio, exempla notatu digna. Sic in *Saxonia* intra tempus venationis clausum animalia siue maiora, siue minora prosequentium poena est *centum modiorum auenae*, tam ad feras hyeme nutriendas, quam ad alendos equos venatorios necessariae, ^{g)} aliisque in statutis mulieres pugnis se iniucem caedentes, siue aliis quoque manus infestas inferentes, ^{h)} saltationes impudicae,

Landtagsverordnungen zu Weissenfee in Gotha 1446 — den Sonntag zu feyern bey Poen 2 Pfund Wachss der Kirchen, so oft einer übertritt, ausgenommen die Jahrmärkte. vid. Rudolphi Gotha diplom. P. I. pag. 137.

d) vid. *statuta des Raths der neuen Stadt Sakzvedel für die Kramer Gilde* l. c. ibi: *Weret dat eyn der Gildenbrudere mishandelte enen syner Kumpanen mit worden in der hegeden Morgen spracke, de schall breken eyn punt Wasses to hylpe den lichten. Conf. leges fratern. S. Iacobi Halae 1500. conditae apud Ludw. in reliqu. Mscr. Tom. XII. pag. 305. sequ.*

e) vid. *Monum. Boica Tom. IV. ibique in diplomat. misc. conuentus Frombaccensis* die Satzungen der Brüderschaft zu Glocknitz de anno 1255. pag. 168. *Libr. fundation. Kaland. Kilon. apud Westphal. l. c. Tom. III. p. 563. et ibid. p. 570. Statuta eiusdem societatis de anno 1318.*

f) vid. *statut. pistorum Seydensium apud Kreyffig. l. c. Tom. II. pag. 147. sequ. ibi: Ab ymant dy Morgen sprache melthe und offnbarte, der fall ein Pfund Wachz gebin.*

g) vid. *Auschreiben d. a. 1543. in Cod. Aug. T. I. p. 25. et Mandat. d. a. 1626. ibid. T. II. p. 550. Cf. quoque, quae monuit Ill. Schott in Instit. iuris Saxon. elect. priu. p. 239. et 241.*

h) vid. *Statuta Teuchelens. in ditione Schwarzburgica d. a. 1611. tit. 6. Von Iniuerien und derselben Befrafung. §. 12. Schlagen sich Weibespersonen, so sollen sie an das Halseisen treten, oder jede einen Sack voll Hafer mit einem rothen Bande zugebunden zur Straffe vor den Rath bringen, davon die Helfste Gn. Obrigkeit zu uevern.* Artikel so auf dem Churf. Landgericht verlesen werden, apud Puffend. T. II. p. 358. ibi art. 67. *Wenn ein Weib einen andern schilt, oder eine Frau oder Magd einen andern raufen, schlagen, schelten, und keine*



cae, ⁱ) nec non contumaces eadem, modo maiore, modo minore multa puniuntur. ^k) Sic *Blankenburgi* in terris Schwarzburgicis rixosae mulieres *chartam* (ein Ries gutes Schreibe-Papiers,) et *ceram viridem signatoriam* (vor einen Schilling grünes Siegel-Wachs) ipsae in curia senatui offerre, ^l) vxores, quae maritis manus impias inferunt, maritique effoeminati, tantas iniurias ab vxoribus illatas aequo animo ferentes, *pannum*, ad vestiendos duos apparitores, loco poenae comparare tenentur. ^m)

§. 3.

Citharoedos, histriones, omnesque in scenam prodeuntes leuis notae macula in Germania olim laborasse, res est notissima. Exinde vero eiusmodi hominibus, tam re, quam verbis

keine Wunden werden, soll die Frau einen neuen Sack von 6 Ellen, und einen Malter Hasern, nebst einem rothen seidenen Bande von 2 Ellen, womit der Sack wird zugebunden, Strafe geben.

ⁱ) in *Statutis Weissenbergicis* d. a. 1623. art. 42. apud *Kreyfig*. I. c. Tom. V. N. 2. p. 27.

^k) vid. *Vieth*. I. c. P. II. c. 3. p. 136. et *Dreyer*. *Abhandl.* Tom. III. p. 1507.

^l) vid. *Celeberr. Walchii Beytraege zum Deutschen Rechte*. T. V. p. 87.

^m) *ibid.* pag. 88. Verba notatu digna haec sunt: *Welch Weib ihren Ehemann raust oder schlägt, die soll nach Befündung und Umstände der Sachen mit Gelde, oder mit Gefängniß gestraft werden, oder da sie des Ver-*

mögens, soll sie des Raths - Diener einem zum Kleide Wullen gewandt geben. §. 15. Da aber ein exempel gefunden werden sollte, daß ein Mann so weibisch, daß er sich von seinem Weibe rauffen, schlagen, und schelten ließ, und solches gebührlicherweife nicht eiffert oder klaget, der soll des Raths beyde Stadtknechte mit Wullen gewandt kleiden, oder da ers nicht vermag, mit Gefängniß oder sonstien willkürlich gestraft, und ihm hierüber das Dach auf seinem Hauße abgehoben werden. Similis nimiae mariti patientiae poena quoque occurrit in *statutis oppidi Teuchel* supra iam laudatis apud *III. Walchium* I. c. p. 176. tit. 6. §. 13. *Läßt sich ein Mann von seinem Weibe verschämpten, reißen und schlagen, soll Er den Rathsdiener kleiden, Sie aber an das Halseisen treten und*

B

dem

bis, iniuria laceffitis emenda plane singularis flatuta est in Iure Prou. Sax. et Alemannico. Quum enim, explicante glossa, *) viri quidem similitudinem, neque tamen personam standi in iudicio haberent, iniuria illis illata *umbra viri* emendanda erat, misero et prope ridiculo solamine ideo concessio, ne id hominum genus Emenda omnino destitutum videretur. *) Paullo benigniorem sortem nacti sunt iure ciuitatis *Luneburgensis* vetustissimo. *) Nimirum histrio ab honesto viro, quem petulantia sua ad iram prouocauerat, castigatus, si emendam exigeret, denario-

dem Manne öffentliche Abbitte thun. Nec non secundum Statuta *Blanckenburgica* iam iam laudata varia, contra politiam commissa peccata aliis rebus ad communem vsum necessariis dandis puniantur, e. g. is, qui aedificiis, puteisque publicis damnum aliquod infert, praeter eius reparationem nouam traham, aquae vehundae destinatae (eine neue Wasserseife.) loco poenae comparare debet. vid. plura exempla apud III. *Walchium*, l. c. T. V. p. 102. sequ.

n) vid. *Glossa ad I. Pr. Sax.* l. III. art. 45.

o) vid. *I. P. S.* lib. III. art. 45. *Spielleuten und allen denen, die sich zu eigen geben, giebt man zu busse den Schatten eines Mannes.* I. P. Alam. c. 397. p. 337. *Ed. Berg, Spillw. ten und allen den die gut für ere nemen — den gab man den Schatten ains mannes gen der Summen, das ist also gesprochen, wer denselben icht taites tut und ist das man in pussen soll der soll zee ainer went sen, da der sunn an scheint und sol der Spilman dar-*

gen — der sol den schatten an der Went an den hals slaken mit der rantsch sol im gepuffet sein. Conf. quae de hac re dixit b. *Hommelius in orat. de iure arlequinizante* p. 38. sequ.

p) *Iura vetustiss. ciuit. Luneb.* Latino idiom. exarata, vid. apud *Dreyer.* in *seinen Nebenstunden* pag. 403. ibi art. 122. *Si histriones quenuam offenderint facto vel verbo, et correcti fuerint pro eodem, et si requirant emendam, tunc tesseras proiciant, et quot oculos sine assis proiecerint cum talibus, tot habebunt denarios pro emenda.* Cf. art. iud. legit. ciuit. *Luneb.* apud *Puffend.* l. c. T. II. p. 193. *Weret dat jemich lodder edder ghevende Man in de Stadt queme, de gheht neme dorch fines ghilendes Witen, Unde wolde he eyneu guden Man verhonen mit Worden, edder mit Daden, worde he daromme tuchtighet, unde eschlede he Beteringe men scholde em dre Worpele in de Hand don. Alze men nich oghe he worpe, also men nighen Penning scholde he em to Beteringe gheven, unde en scholde dar*
neme



denariorum, loco emendae accipiendorum numerus *trium testiferarum iactu* determinabatur, ludicra damni accepti reparatione, ludicro, quod elegerat, vitae generi haud male respondente.

§. 4.

Missis vero his multis, inter grauiiores, easque quodammodo ignominiosas poenas primo collocamus *tekti aedium destructionem*, (*die Strafe des Dachabnehmens.*) Singulari vero hac poena non solum in terris *Fuldensibus* atque *Blanckenburgi* *) *mariti molliusculi*, capillos, faciem, atque tergum manibus vnguibusque vxorum patienter offerentes, nec vim vi repellentes, neque de tanta iniuria querentes, sed in *Alsatia* quoque *Scabini ad iudicium constituendum haud comparentes*, olim afficiebantur. De illis Ill. *Rundius* crudite disseruit, *) hosque nobis reliquit. Videlicet *Dynasta* ab *Ochsenstein* iudicio siue placito in *Argentoratensis* episcopi curia *Haselacensi* instituto praeratur. In eo nonnulli praediorum possessores assessorum seu scabinorum vices gerebant, atque vt statis temporibus adessent et sententias ferrent, necesse erat. Si quis iusto die haud compareret, *dynasta*, iudicii praeses, superiorem illius in officio negligentis aedium partem destruere, omnem supellectilem ex illis, praeter aratrum et lectum, auferre, miserum et spoliatum

B 2

infra

uene Nod mer umme leiden. *) Formula loquendi *dorch sine ghlendes Wiltlen* nihil aliud exprimi videtur, quam *vita scenica*; in Latinis statutis haec verba vnicui *histrionis* nomine versa sunt. Vox etiam *Gailheit* non semper *libidinem*, sed *petulantiam* etiam atque *salacitatem* designat. vid. *Illustr. Walchi Gloss. Germ. interpr. C. C. C. inseruiens* sub h. v. p. 296.

q) vid. loc. integr. supra §. 2.

r) vid. descriptionem placiti seu iudicii in curia dominica episc. Argentorat. Haselacensi, praeside dynasta ab Ochsenstein d. a. 1336. apud Schoepflin. in *Alsatia diplom. Tom. II. p. 155.*

s) vid. *Teutsch. Merkur. Mon. September 1784. N. 9. p. 282.* Observatio *Exc. Rundii* inscripta est: *Beltrafung*

infra limen domus extrahere, et in ventre iacentem, equo impositum ad iudicium rapere poterat.¹⁾ Quae poena utroque in casu, meo quidem qualicumque iudicio, ad ignominiam quandam infligendam tendebat, eoque tecti destructi simbolo earum aedium dominus, imperio domestico gerundo impar, atque dignitate, qua scabini gaudebant publica, indignus declarabatur. Eundem finem, ignominiam scilicet, corporisque simul afflictivam poenam irrogandam spectabant 2) *variae*, e. g. *canis*, *sellae*, *aratri*, *pilei vel crocei vel albi*, *viminis*, *lapidisue portationes seu gestationes*. Exempli in antiquis scriptoribus, legibus, statutisque patriis de hoc puniendi modo occurrunt multa, in quibus enarrandis doctorum hominum serinia haud explibimus,³⁾ pauca tantum collaturi symbola. Primus locus nobis obuius extat inter capitularia Caroli M. vetustatis huius poenae haud spernendum testimonium.⁴⁾ Ea lege furis, homicidae, adulterae, atque meretricis in palatio regio receptio omnibus ministerialibus interdicta erat. Si quis vero intemptiua forsan misericordia ductus, eiusmodi hominem ibi occultaret, lex humeris eius reum reamue, sarcinam sane inhonestam, vsque ad supplicii locum portandam, imponebat. Sic mulierculae libiditiam in propatulo habentes, vagisque libidinum

fung der Ehemänner, die sich von ihren Weibern schlagen lassen.

1) Verba chartae haec sunt: *Wilde och der Scheffelen deheinre sumig und keme nit an das gerichte, so het der herre von Ohnsen dem das gerichte besitzet, gewalt, dem Scheffele Sin hus abezbrechende unze an die vier pfofen und unze an die usganden bant, die an di virst gant, und ze nemende alles das in dem huse is, ane den pflug und das Bette ze berübende.*

Und soll man den Scheffelen under der stwelen us dem huse ziehen und in buchelingen uf ein pferet legen und zu gerichte führen.“ Buchelungen sine dabo respondet nostro rücklings.

2) vid. Dreyeri Comment. de Lithophoria seu gestatione lapidum ignominiosa, Kilon. 1752. et quos ibi § 2. pag. 11. de *νομοφωξ* s. canum portatione ignom. excitavit scriptores.

3) vid. Capitul. Regum Franc. a Baluzio edita. Paris, 1677. Tom. I. p. 343.

dinum flammis indulgentes, petulantis linguae, manusque ver-
 satilis, lapidum gestatione mox infamiae inurendae, mox solius
 ludibrii exponendi gratia coercebantur. Cuius rei exemplis, a
Dreyero *) suppeditis pluribus, vnicum e iure *Tremonienfi* ve-
 rusto adiicere liceat. **) En! duas mulieres rixosas, verbis con-
 tumeliosis contra se inuicem acriter pugnantes! Ne vero cre-
 das victrici brabeum dari, caue. Lex contra ea vtramque ple-
 bicolae ludibrio exponit. Ambae indusio tectae prodeunt.
 Alteri apud portam vrbis orientem versus duo lapides centum
 librarum catenis iunctis humero imponuntur. Misera sub
 onere ingemiscens, virium resuscitandarum causa gradum sistit.
 Sed frustra! Illius nempe vestigia premit altera stimulo fer-
 reo, linguae acutae forsitan simbolo haud incongruo, armata,
 pungendoque eam impellit. Tristi itinere apud portam occi-
 dentalem confecto vices mutant, altera lapides suscipiente, al-
 tera eam stimulo agitante, ad portam, vnde venerint, orienta-
 lem redeunt. Eodem modo frumenta ex agris furantes, nu-
 mellis publicis affixi, corpus delicti, frumentum scilicet in collo
 portabant. *) Nec clerici eiusmodi poenas renuebant. Sae-
 pius codicem ^{b)} virgas, cerceosque ardentis, poenitentiae in-
 dicandae gratia, gestantes ante portas ecclesiarum atque mona-
 chiorum B 3

y) in commentatione laud. §. 3. sequ.
 z) vid. iura *Tremonienfia* vetusta,
 quae *Dreyerus* libro inscripto, *Neben-*
stunden, inseruit pag. 424. En! ipsa
 verba: si due mulieres rixantur ad
 inuicem percutiendo se cum verbis con-
 tumeliosis, que verkorne Worte dicun-
 tur, portabunt duos lapides per ca-
 tenas coherentes, qui ambo pondera-
 bunt vnum centenarium, quod teuto-
 nice dicitur enen Centener, per longi-
 tudinem ciuitatis in communi via.
 Prima portabit eos de orientali porta

ciuitatis ad occidentalem portam, et
 alia stimulabit eam stimulo ferreo, fixo
 in baculo, et ambe ibunt in camisijs
 suis. Alia tunc assumat eos in huius-
 mos suos et reportabit eos ad orienta-
 lem portam et prima e conuerso stimu-
 labit eam.

a) vid. e. g. artic. qui in iudic. prou.
 elector. Brunic. Luneb. praeleguntur.
 art. 55. apud *Puffend. l. c. T. II. in*
app. p. 357.

b) Exemplum extat apud *Murator.*
in antiquit. Ital. T. II. diss. 23. p. 330.



steriorum conspiciebantur. Qua de re vnicum tantum, at memorabile exemplum afferamus. Nobilis quidam Theodericus ab Elcheleyben in diffidatione monasterio Volcolderodensi non solum equos abstulerat, sed duos etiam fratres, vti in charta vocantur, conuersos occiderat. Litis funestae diremtio arbitris relinquebatur, iique Theoderico illi, eiusque criminis perpetrati sociis, vt candelas cereas, et *seretrum, nouo panno cooper- tum*, sumptibus Theoderici comparatum a villa Cornre vsque ad dictum monasterium sollempni pompa portarent, iniungebant. Quid vero hac poena symbolica declarare voluerint iudices, in aprico est. Huius ad funus efferendum necessariae suppellectilis oblatione honestam sepulturam, ferali excommunicationis sententia amissam, poenitentia vero, atque absolutione imox recuperandam publice significare studebant. ^{c)}

§. 5.

Maiores nostros pudicitiam fidemque coniugum mutuum sancte seruasse, Tacitus refert. ^{d)} Eo tempore, quo nemo vitia ridebat, nec corrumpere et corrumpi seculum vocabatur, publicatae pudicitiae nulla venia, adulterii poena erat praesens, maritus, accisis crinibus nudatam coram propinquis adulteram expellebat domo, ac per omnem vicum verberare agebat. ^{e)} Priscam hanc castitatis laudem variae antiquae leges, atque statuta ignominiosis praesertim poenis, interdum quidem

^{c)} vid. Sentent. 1313. XVI. Cal. Iul. lat. inter diplom. et script. hist. German. medii aevi, cura Schoergerii et Kreyssgii, T. I. pag. 788. s. qu. verba adhibam: a loco praeditto Cornre vsque ad monasterium praeditum portabunt iidem (Theodericus et alii viginti nobiles) sequendo processionem

huiusmodi, vnum seretrum cooper- tum paldekino nouo, ab ipso Theoderico desuper comparato.

^{d)} De moribus German. c. 18. sequi.

^{e)} Si vetusto Saxonum chronico fides habenda esset, apud eos maritus quoque

fatis indecoris secundum nostros mores, custodire, atque ne quid detrimenti caperet bona virginum, matronarumque honestarum existimatio calumniatorum, furtivos amores iactantium, impudentia atque malitia, cauere studuerunt. Ad illas poenas eam potissimum referimus, de qua erudite differuit Dreyerus, f) poenam scilicet tractionis per urbem eo, quo peccauerat membro. g) De hac vero sollertis exemplum satis luculentum subministrant statuta vetusta Augustana, h) quippe quae eiusmodi calumniatori, lingua, per quam peccauerat, excisa, sub seuera ultimi supplicii, si forte rediret, comminatione, perpetuum indicabant exilium.

Ne vero, limitibus huius commentationis arctioribus, ad alias iuris quaestiones pertractandas, locus deficiat, ultimam, qua

quoque poena afflicus est. Verba haec sunt: De Sassen satten upp vor eyn Recht; — we de och overtrat syne Ee, was dat eyn Mann, he moste eyne Schornobben tragen, was dat och eyn Wyff, oder Maget; der sneyt man ire Kleder aff beneden den Gordele under srog sie met Geyselen. Quid in hoc loco significet vox Schornobben? me nescire, libenter fateor.

f) vid. commentar. eius supra laudatam §. 6, p. 23, sequ.

g) Illud "per quae quis peccat, per eadem puniatur," variarum poenarum fundamentum fuisse, constat. Huc quoque pertinet poena castrationis, qua serui ob adulteria aut stupra afficiebantur lege Salica tit. XXVII. §. 4. Tristi hac crudelique poena id a iudaeo cum coniuge vel virgine Christiana perpetratum crimen Moguntis olim vindicabatur. En! iuris antiqui Waltpo-

diorum Mogunt. verba, quae extant apud Gudenum in Cod. diplom. Mogunt. Tom II. pag. 499. Auch wan ein Waldpode einen Iuden bey einer Christen Krauen oder Magde funde, Unkeuschheit mit ihr zu treiben; die mag er beide halten. Da soll man dem Iuden sein Ding abesneiden, und ein Aug usstechen, und Sie mit Ruden ussjagen; oder sie mögen umb eine Summe darumb dingen. Licet huius poenae ratio quaedam, illud scilicet antiquum axioma, carnis, vti vocant, delictorum intuitu, asseri possit, intelligere tamen plane nequeo, quam ratione commoti Frisiones, (add. L. Fris. tit. 12.) sacrilegium, Sali, (L. Sal. tit. 42. §. 4.) furtum a seruo factum eadem virginitatis priuatione coerquerint?

h) vid. Statuta vetusta Augustana de anno 1276. §. 162. sequ. apud Walch.



qua arborum violatores in quodam Germaniae tractu olim affecti sunt, poenam adiiciamus crudelissimam. Cuius quidem petulantiae coercitiones haud leues in legibus variis occurrunt, ^{h)} sed nullam huius delicti poenam crudeliorem adhuc inuenire potuimus ea, quam continet documentum de iuribus cuiusdam syluae possessorum anno 1484. confectum, fideque publica munitum. *Nemo, inquit lex cruenta, arbores corticibus spoliat; si quis hoc crimen perpetrabit, eius umbilicus exsecus ad arborem affigatur, eiusque intestina, arborem circumducendo, extrahantur.* ^{k)} Cuius crudelitatis a defensione alieni, nobis, vti apud Gellium de illa haud mitiori debitorum obaeratorum Romanorum sectioe in partes perhibetur, ^{l)} nullum huius inflictae poenae exemplum obuium fuisse, in honorem temporum illorum saltim asseuerare possumus.

OBSER-

Walch. III. l. c. Tom. IV. p. 176. sequ. Ibi §. 162. ist auch, daß ein Mann eines erbären Mannes Kind oder Schwoester oder sin Stiffelen die ein Junkfrau ist in Lände bringt, daß er sich er rühmt, das aun laugen ist, oder hinz im bracht wird als recht ist, und darun benötet wird, das sol man um also richten, daß man darzu geben soll wixig und erber Frauen zueu, den wohl ze glauben ist, und die darzu wohl künnen und sollen, die das Kind sehen, und sollen sweren zu den heyligen daß sie die Wahrheit sagen, und sagen sie das Kind ein Magt, so soll man also richten, daß man ihm die Zunge ausschneiden soll, der den Länden gemacht hat, und soll nimmermehr in dñs Stadt kommen, und wo man ihn darüber linne findet, so soll man ihn henken, aun Vrtheil.

i) vid. Hommel. Rhaps. Obs. 546.

pag. 944. Boehm. Stadtrecht c. 50. p. 19. et Mand. d. d. 20 Mai. 1611. et Mand. d. d. 26. Jan. 1619. in Cod. Aug. Tom. II. p. 615. et 617. secundum quas leges Saxon. damni arboribus illati poena erat fustigatio et manus amputatio.

k) vid. apud Lersnerum in Chron. Francofurtensi l. 1. c. 31. pag. 468. Das Instrument wegen und über die hohe Mark um den Feldberg ao. 1484. d. 14. Jul. auf der Aue vorn Oberrn Urfel durch kayserliche Notarien aufgerichtet, ibi: Item, es soll niemands Bäume in der Mark schälen, wer das thät, dem soll man seinen Nabel aus seinem Bauch schneiden, und ihn mit demselben an den Baum nachten, und denselben Baum schälen um den Baum führen, so lange bis ihm alle sein Gedärm aus dem Bauche gewonnen seynd.

l) vid. Gell. in Noß. Att. l. XX. c. 1.

OBSERVATIO II.

De murariorum et fabrorum lignariorum operas in exstruendis reparandisue palatiis aliisque electoralibus aedificiis nec non fortalitiis praestandi obligatione.

Secundum antiquissimam obseruantiam in terris Saxonice electoralibus collegia murariorum atque fabrorum lignariorum ad certas summo Principi praestandas operas, quae singulari nomine *des Hofzugs* insigniuntur, obstricta sunt.^{m)} Cuius vi omnes huic illiue collegio adscripti adigi possunt, vt pro certa mercede per aliquod temporis spatium in exstruendis eius cuiuscunque generis aedificiis operas conferant. Qua obligatione sodalis eorum, vbicunque locorum degat, siue praefecturis, siue patrimoniali iurisdictioni subfit, sese exsoluere potest nullus, atque ne quis hoc forsitan audeat, magistratus, iubente principe, tabulas, singulorum ibi commorantium nomina continentes, conficere, atque tradere tenentur. Nec intuitu aedificiorum electoralium vlla est differentia, nec earum operarum, de quibus loquimur, praestatio ad solam urbem regiam pertinet, sed eae potius in palatiis, castris, aliisque summi Principis aedibus, nec non pontibus, quorum cura ad fiscum pertinet, atque fortalitiis nouis exstruendis, collapsisque rescindiendis omnibus exigi possunt, iussu eius, qui aedificationes in Saxonia dirigit, (*Oberbauamt, director,*) indicendae.

Tem-

^{m)} Similis obligatio occurrit in artic. iudicii legitimi, ciuit. Luneburg. apud Puffendorffum l. c. T. II. in app. p. 193. ibi: *Alle Handwerker de syn*

Murmeslere edder Timmerlude scholten rede wessen, istt Je geladen werden van dem Rade to der Stadt Bune edder des Raedes behuff. We des vorweige.



Tempus, per quod adesse debent citati, plerumque quatuor septimanarum terminum continet, singulique, dummodo iusto ordine euocentur, nec necessitas aliud urgeat, ad eas operas faciendas saepius quam bis in anno vix adiguntur. Ne vero credas, eos hoc officium gratis praestare, caue. Promte, et sine vlla dilatione mercedem accipiunt in Ordin. Politiae d. a. 1661. determinatam. n) Nec vllus eorum has operas impune detrectat, sed contumaces arresto in communi eorum arca (*Innungslade*) imponendo, statutorum a principe confirmatorum reuocandorum comminatione, nec non mandato, de sociorum inobedientium operis haud conducendis, horum magistris dato, mulctis carcerisque poena, atque etiam manu militari cogente, ne huic officio patri patriae, iuriumque contra turbonum vexas defensori clementissimo, debito desint, cogi possunt. Iam vero litteras patentes a Diuo Ioanne Georgio II. propria manu confirmatas huic qualicunque obseruationi ad iuris officarii notitiam amplificandam spectanti, argumenti illustrandi gratia, adiiciamus. Verba haec sunt: Der Durchlauchtigste des heiligen Römischen Reichs Erzmarfchalch und Churfürst zu Sachsen, auch Burggraf zu Magdeburg, füget Dero Beamten und Raethen der Staedte hierdurch gnaedigst zu wissen: Nachdem bis anhero unterschiedene und zwar die meisten unter denen von Adel befindliche Mauer- und Zimmergesellen, einer vermeinten Freyheit halber, sich des *Hofezugs* gänzlich entbrechen wollen, und aber anjezo unterschiedene Civil- als auch Vestungs- Gebäude unter Handen, auch auf allbereit gethanes Begehren und Erfordern des Ober-Bau-Amts, viel ungehorsam aufsenbleiben, indeme zuwider des *uralten Herkommens*,

weigerung dede, de breke dre Marck, de scholde eyne vnser Heren, vnd twe to de Stad Buue.

n) vid. Polizey- Ordnung d. a. 1661. Tit. XXIII. C. 9. in *Cod. Aug.* Tom. I. p. 1606. sequ.



kommens, solche Mauer- und Zimmergesellen, weilm ihnen das gewöhnliche Lohn allezeit richtig bezahlet wird, sich nicht entbrechen können: Als wird obbemeldeten Beamten und Räten jedes nach specificirten Orts, hierdurch ernstlichen anbefohlen, nicht alleine solchen, unter ihrer Jurisdiction befindlichen Mauer- und Zimmergesellen, die Gestellung zum Hofzuge kraft dieses nachdrücklich aufzuerlegen, sondern auch denen der Orten anwesenden Meistern der Mauer- und Zimmerhandwerks bey 10. Thaler Strafe (so uf begebenden Fall alfo balden einzutreiben, und dem Oberbau-Amte zu fernerer Verordnung anhero zu übermachen) kraft dieses anzudeuten, daß sie keinen einzigen Gesellen, so um vorhergesetzter Ursachen willen, umher läufft, und des allezeit üblichen Hofzugs seiner landesfürlichen Hohen Obrigkeit sich entbricht, fördern, vielweniger einige in ihre Zünfte einnehmen, noch darinnen dulden und leiden, oder selbigen Vorschub thun sollen. Wornach sich also mehrerwähnte und hernach denominated Beamten und Räte in Staedten allerdings zu achten, Ihrer Churfürstl. Durchl. gnädigsten Willen hieran zu vollbringen, und hierunter nichts zu verabsäumen, auch der Insinuation halber, sich zu unterschreiben haben. Zu mehrer Urkundt ist dieses Patent von mehr höchstbefagter Ihrer Churfürstl. Durchl. eigenhändig unterschrieben und mit Dero Cammer-Secret bedruckt worden. Geschehen Dresden, am 1. Julii Anno 1673.





OBSERVATIO III.

*De iure offerendi creditoribus hypothecariis posterioribus
contra priores secundum leges Romanas competente, in
Saxonia non necessario.*

Apud Romanos posterioribus creditoribus hypothecariis priori creditum, hypotheca munitum offerre, quid? pecuniam, fortem scilicet cum usuris, si forte accipere nollet, obsignatam deponere, eum in finem licuisse, ut ipso iure, nullaque praeuia cessione, in illius locum succederent, pignorisque sui causam confirmarent, e variis *Digestorum* et *Codici* legibus luculenter apparet.^{o)} Quod in securitatem posteriorum creditorum ius introductum primo quidem obtutu iniquitatis notam mereri videtur. Eo enim, inquit *Voëtius*,^{p)} summa prudentia ac providentia creditori anteriori quaesitum pignoris ius, in crediti et usurarum securitatem, eidem auferebatur, atque ita, quo quis felicius sibi de hypotheca sufficiente prospexerat, eo facilius ab ea per factam a creditore posteriore oblationem depellebatur, non sibi, sed aliis vigilando prospiciens. At sine iusta causa dicam scribunt DD. huic iuri, caeteris, quae intuitu pignorum in legibus Romanis obveniunt, principiis vel maxime consentaneo. Quum enim nec secundum creditorem, nisi priori creditori debita fuerit soluta quantitas, pignoris distrahendi potestatem consequi,^{q)} nec eum, quo

^{o)} vid. *Tit. Dig.* qui pot. in pign. vel hypoth. *Tit. Cod.* qui pot. in pignore habeantur, nec non tit. de his, qui in priorum creditorum locum succedunt.

^{p)} vid. *Voëtius* in *Comment.* ad *Tit. Dig.* qui pot. in pign. n. 35. P. m. 732.

^{q)} vid. *L. 8. C.* qui potiores in pign. hab. *Diversis temporibus eadem* 72



quo minus prior creditor rem pignori sibi obligatam distraheret, licet ea venditione legitime facta omne ius pignoris extingueretur, et, sorte prioris cum usuris antea deducta, exigua pars pretii, quid? nihil forsitan relinqueretur posteriori, impedire potuisse, *) iuris esset manifestissimi; quis, quaeso, hanc offerendi facultatem concessam iniquitatis accusabit? Sententiam vero longe aliam creditorum hypothecariorum in Saxonia conditio hodierna suadere videtur. Iam apud nos cessat prior ratio, de qua, in hoc iure largiendo, cogitavit legislator Romanus. Quid enim nostris moribus impedit, quo minus, debitore iusto tempore haud solvente, quilibet creditor hypothecarius, etiamsi inter plures locum obtineat vltimum, ad rei oppignoratae venditionem, secundum legum normam faciendam prouocare possit? Nec aliter res sese habet altera ex parte. Apud Romanos quidem facili negotio fieri poterat, ut creditores secundi, rei oppignoratae venditae pretio prioris fortis solutione exhausto, omni pignoris constituti utilitate, sine illo iure offerendi, priuarentur. In Saxonia hypothecae contra ea non solum consensum vel domini directi, vel iudicis rei sitae requirunt, sed legislator Serenissimus quoque, ne is consensus in feodalibus bonis dimidiam partem, in allodiis autem duas partes tertias pretii in nouissima acquisitione determinati, aut aestimatione iusta ex ratione denuo facta, constituti, haud excederet, sapienti consilio cauit, *)
omni-

re duobus iure pignoris obligata, eum, qui prior data mutua pecunia pignus accepit, potiorum haberi, certi ac manifesti iuris est: nec alias secundum (creditorum) distrahendi potestatem huius pignoris consequi, nisi priori creditori debita fuerit soluta quantitas. Cf. L. 5. pr. D. de distract. pign.

r) vid. L. 3. C. Si antiqu. cred. Quo minus creditor, qui antea pignus accepit, distrahat: non offerendo secundus priori debitum interpellare non potest.

s) vid. Lehns-Mandat d. a. 1764. Tit. 6. §. 1. in Cod. Aug. Cont. T. I. p. 1031.



omnibusque ita, quocunque tempore et a quouis pignus distrahatur, hypothecariis creditoribus satisfieri potest. Quae cum ita sint, equidem haud intelligo, quam ratione apud nos ius illud offerendi Romanum creditores posteriores hypothecarios reddat securiores, iique, si forsan locupletiores ad pecuniam otiosam, priore misero creditore depulso, foenore collocandam eo iure abuti vellent, iniquitatis reprehensionem euitare possint. Eo saltim casu regula illa, alias aurea, secundum quam ad ea, quae mihi non nocent, alterique profunt, ¹⁾ concedenda compelli possum, vix applicanda esse videtur.

p. 1031. nec non *Mandatum wegen derer, bey Ertheilung der Consense auf solche Güther oder Grundstücken, deren wahrer Werth zweifelhaft ist, zum Grunde zu legenden gerichtlichen Taxationen.* d. d. 6 Jun. 1772. Quo mandato clementissimo Princeps ele-

ctor Serenissimus non debitorum solum, sed etiam creditorum, vti ex ipsis eius verbis apparet, consulere studuit utilitati.

¹⁾ vid. *L. 2. §. 5. D. de aqua et aqu. plu. arc. act.*



COROLLARIA.

1.

Libellaria bona mihi esse videntur ea, quorum dominium vile pro canone s. censu singulis annis soluendo, ea tamen lege, vt contractus sub poena priuationis, expletis annis determinatis, renouetur, concessum est. Quae mea qualiscunque opinio nititur quodam diplom. antiquissimo d. a. 870. (vid. *Origin. Guelph.* Tom. II. p. 101. et *Murat. Antiqu. Ital.* Tom. III. p. 156.) cuius verba haec sunt: *priscarum legum auctoritates concesserunt, vt qualiscunque persona res ecclesiasticas sub usu beneficii in suis necessitatibus procurandis vel adsequendis acquirere voluerit, sub ipsius munificentia, qui caput ecclesiae praeesse dignoscitur, in nomine Praestariae suae libelli eas tenere sub censu decem et nouem annis debeat, atque his expletis aut ipsum libellum renouare studeat, aut rector ecclesiae ipsas res in suo iure ac dominatione recipiat.* Precariis itaque simillima, nisi synonyma esse videntur.

2.

Renunciationes atque *donationes* variis in Germaniae locis olim non solum sub *dio*, sed etiam in *via regia* s. publica fieri solebant. Exemplum memoratu dignum occurrit apud *Hergott.* in *Geneal. Habsb.* T. III. p. 320. vbi charta donationis a Rudolpho de Kayserstuhl monasterio Wettigensi anno 1255. factae his verbis finitur: *Acta sunt haec ante portam saepe dicti monasterii extra ipsius septa et clausuras secundum consuetudinem donationum in strata regia et publica, sub aere libero non concluso.* Bonis praesertim, loco *Morgengabae* datis, eo in loco mulieres renunciabant. Sic *Margaretha de Schalichdorf* hanc renunciationem testatur in charta d. a. 1341. in *Mon. Boicis* T. I.

D

P. 438.



p. 428, his verbis: *daß ich denselben Tags vor den Rechten, und auch dabey auf die Reichs Landstrazzen mich meiner Morgengab verzigen han, als sich ein Frau ir Morgengab verzeihen soll; ibid. p. 440. anno 1344. Catharina vxor Ludou. de Ehmering eidem renunciat, auf einer freyen strazen, da man sich solchs gut und recht verzeihen soll, nec non ibid. Tom. VII. p. 404. anno 1326. eiusdem renunciatio facta est his verbis: han ich Mechthilt Ulshalks Hausfrauwe von Eckingen mich derselben Voigtey verzygen auf des Reiches Strasse mit einem Ayde auf meinen Brüsten, als man sich durch Recht Morgengab verzeyhen soll, et an. 1348. Tom. VI. p. 603. a Catherina de Rohrbach mit Worten, Werken und Gebärden, uff des Richs Strazz.“*

3.

Creditoribus hypothecariis prioribus quoque competebat ius offerendi.

4.

Creditores posteriores non aliter, nisi ad consequendam distrahendi pignoris facultatem, vel ad eius venditionem, quam creditor prior intendebat, impediendam, iure offerendi uti poterant.

5.

Cingulum porrectum occurrit symboli loco in renunciatione et traditione grauidarum mulierum. Exemplum afferunt Monum. Boic. T. I. p. 443. in dipl. anni 1343. En verba: — und hann uns des Guts verzigen in dez Herrn Abts Hent, und sunderlichen ich genannte Margereithe, wenn ich ze desselben Zeiten ains Kindleins schwänger war, han ich mich des vorgeannten Hofz genzlichen mit dem Gürtel verziehen, die gerecht han, da entgegen waren unsere Gemögen, und auch der Kindleins, daz ich ze denselbigen Zeiten unter meinem Herzen trug.“

Wittenberg, Diss., 7791

ULB Halle
002 109 840


3



f
sb.







B.I.G.

Farbkarte #13

INAUGVRALIS
QVADAM IVRIS
ET SAXONICI

NENS

1791 7

M
VE IVRE HONORIBVS
ENDIS

S. MDCCLXXXI
S.

ORIS SAXONIAE GRATIA

ESIDE

ET

OR

LIEB MEINHOF

- S A X O

ARCHIVI SENATVS SANCTIORIS,
PIS ELECTORIS SAXONIAE
SECRETARIVS.

RGAE

ISTIANI DÜRRII.